



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
DOM NARODA

**Zajednička komisija za odbrambenu i sigurnosnu
politiku i nadzor nad radom odbrambenih i
sigurnosnih struktura na nivou BiH**

Broj: 01,02-011-1776/03

Sarajevo, 18.12.2003. godine

ZAPISNIK

1. konstituirajuće sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH.

Sjednica je održana 18.12.2003. godine, u vremenu od 14,30 do 15,00 sati.

Sjednici su prisustvovali članovi Zajedničke komisije: Seada Palavrić, Šefik Džaferović, Adem Huskić, Momčilo Novaković, Mirko Blagojević, Vinko Zorić, Osman Brka, Halid Genjac, Zoran Spasojević, Boško Šiljegović, Branko Zrno i Anto Spajić.

Pored članova, sjednici su prisustvovali i Nikola Špirić, predsjedavajući Predstavničkog doma, Mustafa Pamuk, predsjedavajući Doma naroda, Branka Todorović, sekretar Predstavničkog doma i Dragica Hinić, stručni saradnik u radnim komisijama Parlamentarne skupštine BiH.

Sjednicom je predsjedavao Nikola Špirić.

Za raspravu na sjednici predložen je slijedeći

DNEVNI RED:

1. Konstituiranje Zajedničke komisije za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH (izbor predsjedavajućeg, prvog i drugog zamjenika predsjedavajućeg Zajedničke komisije).

Članovi Komisije jednoglasno su usvojili dnevni red.

Nikola Špirić, predsjedavajući Predstavničkog doma, ukratko je informirao prisutne da su oba doma identičnim zaključkom formirala Zajedničku komisiju za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH, te da je potrebno izvršiti konstituiranje ove komisije izborom predsjedavajućeg i zamjenika. Potom je dao riječ ostalim članovima.

U raspravi povodom ove tačke dnevnoga reda učestvovali su Halid Genjac, Seada Palavrić, Momčilo Novaković, Boško Šiljegović, Anto Spajić, Šefik Džaferović, Nikola Špirić, Zoran Spasojević, Mustafa Pamuk i Branko Zrno.

Iz rasprave je proizašlo stajalište da se na ovoj sjednici ne može izvršiti stalno konstituiranje komisije, obzirom da kolegiji nisu pripremili cjelokupni pregled svih zajedničkih komisija koje će biti najvjerovatnije formirane izmjenama i dopunama Poslovnika oba doma, te nacionalne kriterije po kojim će tim komisijama predsjedavati pripadnici pojedinih konstituirajućih naroda. U raspravi je sugerirano kolegijima da u roku od 30 dana sačine

navedeni pregled. Bilo je i prijedloga da se na ovoj sjednici ne izvrši izbor predsjedavajućeg i zamjenika dok kolegiji ne sačine navedeni prijedlog, ali je prevladala činjenica o neophodnosti konstituiranja Komisije, jer postoje prijedlozi zakona za čije razmatranje je nadležna ova komisija. Predloženo je da predsjedavajući ove komisije bude član komisije koji dolazi iz Doma naroda, obzirom da je predsjedavajući druge postojeće zajedničke komisije izabran iz reda članova koji dolaze iz Predstavničkog doma.

Također, u raspravi su predložena tri kandidata za predsjedavajućeg i to Zoran Spasojević, Šefik Džaferović i Branko Zrno, uz različitost mišljenja i obrazloženja razloga zbog kojih bi svaki od ovih kandidata trebao vršiti dužnost predsjedavajućeg.

Po okončanoj raspravi članovi Komisije jednoglasno su usvojili zaključke:

1. Na ovoj sjednici vrši se privremeno konstituiranje Komisije odnosno, izbor predsjedavajućeg i zamjenika vrši se na privremenoj osnovi do trenutka postizanja dogovora o konačnoj raspodjeli mjesta u svim zajedničkim komisijama koje trebaju biti formirane usvajanjem izmjena i dopuna poslovnika oba doma.
Za privremenog predsjedavajućeg izabran je Zoran Spasojević, a za zamjenike Branko Zrno i Šefik Džaferović;
2. Članovi Komisije preporučuju kolegijima oba doma da, u roku od 30 dana od dana održavanja ove komisije, sačine kompletan pregled svih zajedničkih komisija, sa kompletnim prijedlogom rasporeda mjesta predsjedavajućih i zamjenika zajedničkih komisija po pripadnosti konstitutivnim narodima, kao i pripadnosti pojedinom domu.

Zapisnik sačinila :
Dragica Hinić

Privremeni predsjedavajući
Zajedničke komisije:
Zoran Spasojević